

佛说十一面观世 音神咒经

宇文周世天竺三藏耶舍崛多等译



南無本師釋迦牟尼佛

说 明

本简体校正版《佛说十一面观世音神咒经》电子书，是根据清制《乾隆大藏经》第40册、第0323部，大乘五大部外重译经部，宇文周世天竺三藏耶舍崛多等译《佛说十一面观世音神咒经》影印本校正的，标点符号仅供参考。特此说明。

仁慧草堂

二〇一七年六月



南無聖觀自在菩薩摩訶薩

南無聖觀自在菩薩摩訶薩

南無聖觀自在菩薩摩訶薩

● 起诵仪

香赞

(一遍)

炉香乍爇. 法界蒙熏. 诸佛海会悉遥闻. 随处结祥云. 诚意方殷. 诸佛现全身.

南无香云盖菩萨摩诃萨 (合掌三称)

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说十一面观世音神咒经

宇文周世天竺三藏耶舍崛多等译

如是我闻：一时，佛在王舍城耆闍崛山中，与无量菩萨摩訶萨大众俱，前后围绕。

尔时，观世音菩萨摩訶萨与无数持咒贤圣俱，前后围绕，来诣佛所。到佛所已，五体投地，顶礼佛足。礼佛足已，绕佛三匝，却坐一面。

时，观世音菩萨白佛言：“世尊！我有心咒，名十一面。此心咒，十一亿诸佛所说，我今说之。我为一切众生故，欲令一切众生念善法故，欲令一切众生无忧恼故，欲除一切众生病故，为一切障碍、灾怪、恶梦欲除灭故，欲除一切横病死故，欲除一切诸恶心者令调柔故，欲除一切诸魔鬼神障碍不起故。世尊！我未曾见若天、若魔、若梵、若帝释、若沙门、若婆罗门等，有能受持如是咒者，若读若诵，书写流布，或以此咒防护其身，或以此咒咒水澡浴其身，或入阵斗战，或为毒所中，诵此咒故，一切诸横无所能为，唯宿殃不除。此咒一切诸佛所念，我此咒一切诸佛所说。

“世尊！我忆过恒河沙数劫外，有一佛名百莲华眼顶无障碍功德光明王如来。我于尔时，在

彼佛所，作大持咒仙人中王，于彼佛所，方得此咒，得此咒时，十方诸佛皆睹目前，睹见佛已，忽然即得无生法忍。当知此咒有如是神力，亦能利益无量众生。故当知善男子善女人有能昼夜殷勤读诵，勿令忘失。诵此咒时，更莫他缘。于晨朝时，洗浴其身。若不洗浴，当漱口澡手，诵持此咒一百八遍。

“持此咒者，现身即得十种果报。何等为十？一者，身常无病。二者，恒为十方诸佛忆念。三者，一切财物、衣服、饮食自然充足，恒无乏少。四者，能破一切怨敌。五者，能使一切众生皆生慈心。六者，一切蛊毒、一切热病无能侵害。七者，一切刀杖不能为害。八者，一切水难不能漂溺。九者，一切火难不能焚烧。十者，不受一切横死。是名为十。现身复得四种果报。何者为四？一者，临命终时，得见十方无量诸佛。二者，永不堕地狱。三者，不为一切禽兽所害。四者，命终之后，生无量寿国。

“世尊！我念过恒河沙数劫，复过恒河沙数劫，复过无量恒河沙数劫，尔时有佛，名曼陀罗香如来。我于彼佛为优婆塞身，于彼佛所复得此咒，得此咒已，于四万劫超生死际。说此咒时，

得一切诸佛大慈大悲、大喜大舍智慧藏法门。以此法门力故，能救一切众生。一切牢狱系闭、杻械枷锁、临当刑戮、水火等难，种种苦恼，我恒救护，令得解脱。一切夜叉、罗刹以此咒力，令此罗刹皆发善心，功德具足，即发阿耨多罗三藐三菩提心。我此神咒有如是力，复有人犯四波罗夷及五逆罪，能读诵此咒一遍者，一切根本重罪，悉得除灭。诵此咒者，有如是功德，况复有人，依此经教，受持咒者。当知是人，于万万亿那由他那由他诸佛所，曾闻此法，今还得闻，况复受持读诵，昼夜不忘者。是人若心所念者，我满其愿。若复有人于十四日朝，或十五日，以香汤洗浴其身，著新净衣，一上厕一洗浴，如此净衣不得上厕屏，行此法时，竟日不食至于明旦。其道场中，置观世音像，悬杂色幡盖，香华供养。初入道场时，必须殷重至心请诸十方诸佛，殷勤忏悔。忏悔已讫，在于像前，敷一坐具，胡跪恭敬，至心诵持此咒。行此法者，当知是人，得四万劫离生死际。

“世尊！我如是观世音菩萨名字，难可得闻。若复有人，称十万亿诸佛名字，或复有人称观世音菩萨名字者，彼二人福正等。”

尔时，观世音菩萨白佛言：“世尊！若善男子善女人，及一切众生，昼夜殷勤，称我名者，皆得阿毗跋致地，现身得离一切苦恼，一切障难、一切怖畏、及三业罪，悉得除灭。况复有人，依此经教，如法修行。当知是人，即得阿耨多罗三藐三菩提心，如在掌中。”

佛告观世音菩萨摩诃萨言：“善哉！善哉！善男子，汝乃能于一切众生起大慈大悲心。善男子，当知汝等，以此神力，救护一切众生，必得成就阿耨多罗三藐三菩提心，无有疑也。”

佛告观世音菩萨摩诃萨言：“善男子，如此神咒，我亦受持，我亦印可。善男子，汝今说之。”

尔时，观世音菩萨摩诃萨从坐而起，偏袒右肩，胡跪合掌，右膝著地，五体投地，顶礼佛足。礼佛足已，却坐一面，白佛言：“世尊！我今当承佛神力而说。咒曰：

“南无佛陀耶 南无达摩耶 南无僧伽耶
南无若那娑伽罗 毗卢遮那耶 多他伽多耶
南无阿利耶跋路 吉帝摄婆罗耶 菩提萨埵耶
摩诃萨埵耶 摩诃伽楼膩伽耶 南无萨婆哆他
伽帝毗耶 阿罗诃陀毗耶 三藐三佛提毗耶
多姪他 唵 陀罗陀罗 地利地利 豆楼豆楼

壹知跋知 遮离遮离 钵遮离钵遮离 鸠苏咩
鸠苏摩婆离 伊利弥利脂致 阇罗摩波那耶 冒
地萨埵 摩诃伽卢尼迦耶 娑婆诃”

尔时，观世音菩萨白佛言：“世尊！此咒有如是神力，最为上首。”复说咒曰：

“南无阿利耶 跋路 吉谛 摄婆罗耶
菩提萨埵耶 摩诃萨埵耶 多姪他 呵呵呵呵
一离弥离 脂离毗离 诘离醯离 娑婆诃”

时，观世音菩萨白佛言：“世尊！此咒名咒水咒衣咒。若复有人，入道场时，先以此咒咒水七遍，以浴其身。浴其身已，复以此咒，咒衣七遍，著入道场。

“南无阿利耶跋路 吉羝摄婆罗耶 菩提
萨埵耶 摩诃萨埵耶 多姪他 昼楼昼楼 呵
呵呵呵 娑婆诃

“此名咒香咒。初入道场时，咒香七遍，然后乃烧。

“南无佛陀耶 南无达摩耶 南无僧伽耶
南无阿利耶跋路 吉羝摄婆罗耶 菩提萨埵耶
摩诃萨埵耶 摩诃伽楼尼伽耶 多姪他 私利
私利地利 地利地利私利 娑婆诃

“此名咒华咒油。咒华散佛，咒油然灯，各

咒百遍。

“南无佛陀耶 南无达摩耶 南无僧伽耶
南无阿利耶跋路 吉羝摄婆罗耶 菩提萨埵耶
摩诃萨埵耶 多姪他娑第 娑第 娑地 娑地
藐茶藐茶 娑婆诃

“此名咒食咒。献佛食时，所有饮食及诸杂果，先咒二十一遍，然后乃献。

“南无佛陀耶 南无达摩耶 南无僧伽耶
南无阿利耶跋路 吉羝摄婆罗耶 菩提萨埵耶
摩诃萨埵耶 摩诃伽楼尼伽耶 多姪他 诃私
陀私 呼楼呼楼周楼 苏楼 苏楼 娑婆诃

“此名咒火咒。用苏曼木然火，别以苏曼木寸截三十一段，用酪、酥、蜜三种和之。取苏曼木一段，涂酪、酥、蜜，咒之一遍，掷著火中。尽三十一段，次第咒已，然后如法修行。

“南无佛陀耶 南无达摩耶 南无僧伽耶
南无阿利耶跋路 吉羝摄婆罗耶 菩提萨埵耶
摩诃萨埵耶 摩诃伽楼尼伽耶 多姪他 伊利
弥利 脂利弥利 提利醯利 娑婆诃

“此咒名结界咒。或咒水，用之散著四方。或咒芥子，散著四方。或咒净灰，散著四方。各咒七遍。

“南无佛陀耶 南无达摩耶 南无僧伽耶
南无阿利耶跋路 吉羝摄婆罗耶 菩提萨埵耶
摩诃萨埵耶 摩诃伽楼尼伽耶 多姪他 赖致
帝力脂致 伽车伽车 婆伽畔 阿利耶跋路
吉羝摄婆罗耶 娑婆婆能 娑婆诃

“行道讫竟，诵此咒七遍。绕观世音，此咒别更有神力。

“若有人，患寒热病者，或一日一发，或二日一发，或三日一发。以此咒之，悉得除愈。若被恶鬼打之，或被鬼子母所打，或被罗刹女打之，或被毗舍闍鬼打之，或被富单那鬼打之，或被颠鬼打之，或患丁肿，或患漏，或体生疮疱等。用五色线作咒索，一百八结，清净洗手，烧妙好香，诵咒一百八遍，一咒一结，系其颈上。或被蛇螫，或蝎螫，一切毒虫所螫之者，以黄土作泥，咒之七遍，涂其螫处，悉得除愈。若患风病，咒酥七遍，涂其患处，并服之，除愈。或患偏风，耳鼻不通，以青木香用胡麻油桦皮上煮之，并咒七遍，涂其患处，即得除愈。所有疾病用此咒治，悉得除愈。此咒神力，说不可尽。我依经教，略而言之。”

尔时，观世音菩萨摩诃萨白佛言：“世尊！

若有善男子善女人，有能依观世音教，作法者，彼善男子善女人，须用白旃檀作观世音像。其木要须精实，不得枯篋。身長一尺三寸，作十一头。当前三面，作菩萨面。左厢三面，作瞋面。右厢三面，似菩萨面，狗牙上出。后有一面，作大笑面。顶上一面，作佛面，悉向前后著光。其十一面各戴华冠，其华冠中，各有阿弥陀佛。观世音左手把澡瓶，瓶口出莲华。展其右手，以串璎珞，施无畏手。其像身须刻出璎珞庄严。尔时，其人造此像已，欲求心中所愿者，从月一日入道场至十五日。入道场时，一上厕一洗浴。须净衣三具，一日之中，三时换衣。于晨朝时，著一具。中时，著一具。向暮，著一具。其净衣不著上屏。行道之人一食长斋，不食余味，唯食大麦乳糜。安道场之处，必须净室，泥拭鲜洁，香泥涂地，复以香水洒地。在其室中，量七肘地，纵广正等，四角竖柱，周匝悬幡。处中施一高座，置观世音像。像面向西，以种种华，散其道场。唯烧沉水苏合等香。从一日至七日，一日三时诵咒。晨朝诵一百八遍，中时一百八遍，向暮一百八遍，未须献食。从八日中时，至十一日，日别一献，种种饮食，及余果子。所献之食，不著盘上，唯敷净草，

上置饮食。于十四日十五日，倍加上妙香华，以为供养。种种肴饍及余杂果，倍胜于前，以为献佛。其行者唯敷莎草为座，胡跪恭敬，面正向像。于十四十五日，在其像前然旃檀火。须苏摩油一升，净铜器盛之，置行者前。复须沉水香粗细如筋，寸截满一千八段。尔时，行者从十五日中后，取一沉水段，涂苏摩油咒之一遍，掷著旃檀火中。如是次第，尽一千八段。尔时，行者于其二日，全不得食。至十五日夜，时，观世音来入道场，其旃檀像自然动摇。其像动时，三千大千世界俱时振动。其像顶上，佛面出声，赞行者言：‘善哉！善哉！善男子，我来看汝，所有愿者，今悉满足。’时有四愿，其四者何？一者，愿不离坐处，即得腾空而去，自在无碍。二者，愿在于一切贤圣中，得无障碍。三者，愿作持咒仙人中王。四者，愿现身即得随逐观世音。是名四愿。尔时，行者于四愿中，随意乞者。时，观世音即与一愿。其四愿中，若不得已，至后月十五日朝，更立道场。于道场中，置像一躯，其中有舍利者，还以十一面观世音像，置舍利像边。须华一千八茎，其行者在于像前，敷草为坐，胡跪恭敬。取其一华，咒之一遍，散著像上。如是次第，尽一千八

华。尽其华已，时，观世音像正前菩萨，面出大雷声。尔时，行者安心定意，不得恐怖。雷声出时，一切振动。尔时，行者口常诵咒，雷声出时，即当乞愿发声，唱言：‘南无观世音，弟子何时能救一切众生苦恼？何时当能满一切众生愿？’时，观世音随愿即与。当与愿时，天龙八部、诸鬼神等，无能障难。

“若月蚀时，用赤铜钵，盛牛酥三两。于其路地，在观世音像前，以黄土泥涂地，团圆一尺五寸，酥钵置上。从初蚀时诵咒，乃至是月还生如故，然后始休。取其酥食，须食尽竟，不得留余。食此酥已，身中疾病，悉得除愈。

“用石雄黄、雌黄，二种等分置草叶上，在观世音像前，诵咒一千八遍，咒已，和其暖水，洗浴其身，一切障难，一切恶梦，一切疫病，皆得除愈。

“若有他方怨贼，欲来侵境，以此观世音像，面正向之。种种香华，而为供养。取烟脂，大如大豆，诵咒一千八遍，涂像左厢瞋面，令彼怨敌，不能前进。若有国土人民，疫病起时；或有杂类一切畜生，疫病死时，安置道场，用白芥子，押取脂，使得一升。取紫檀木，大如笔管，寸截满

一千八段。先于像前，然紫檀火。其人取紫檀一段，涂白芥子脂，咒之一遍，掷之火中。尽其段数，皆咒一遍，掷著火已，能使一切疫病，悉得除愈。复取绯线，一咒一结，乃至七结，称名愿为国中疫病悉得除愈，以此咒索于最上佛颈边系著，是诸灾疫，皆悉得除，除已解去咒索。若有人被他厌祷、蛊道、咒咀，因即成病。如是病者，在于像前，用其绯线，一咒一结，咒之七遍，使作七结，系著像顶，经由一宿，取系病人，即得除愈。若有人卒得狂病，用其白线，作二十一结，咒二十一遍，在于像前，更咒一百八遍，系著此像正前顶上，经由一宿，取系病人颈，若过二日不差，还取咒索，更咒一百八遍，绞著像颈，复经一宿，取系病人，即得除愈。若有恶鬼，入人宅中，须熏陆香一百八颗，在于像前，颗咒一遍，置著火中，尽此香已，所有恶鬼，自然散走，不敢停住。

“若有怨讎，伺求人便。取其白线，在于像前，结作一百八结，咒之一百八遍，系像左厢瞋面顶上，经由一宿，解取此索，称彼怨讎名字，一称一截，乃尽一百八结，恒称是人，所作不成。若有人相瞋恨者，取五色线，作咒索，于像前咒

之，系著左厢瞋面顶上，经由一宿，解取自系，令彼瞋者，自然和解。若有人欲求善事，取五色纒，结作咒索，在于像前，咒之七遍，系著正前面顶上，经由一宿，解取系身，所求如意。若有人自知身中有障难者，须种种和香涂其像身，复以香水洗浴其像，洗浴像已，还取此咒，咒之一百八遍，自浴其身，自浴身已，一切障难，自然消灭。”

说此品时，一切大众同时赞言：“善哉！善哉！观世音大士乃救护一切众生说大神咒，我等大众亦当受持。”

说此经已，彼诸大众，一时俱起，绕佛三匝，作礼而去。（此经名金刚大道场神咒经，十万偈成部，略出十一面观世音一品）

《佛说十一面观世音神咒经》卷终

● 结诵仪

补阙真言

(三遍)

南无喝啰怛那. 哆啰夜耶. 佉啰佉啰. 俱住俱住.
摩啰摩啰. 虎啰. 吽. 贺贺. 苏怛那. 吽. 泼抹拏. 娑
婆诃.

三皈依

(一遍)

自皈依佛, 当愿众生, 体解大道, 发无上心;
自皈依法, 当愿众生, 深入经藏, 智慧如海;
自皈依僧, 当愿众生, 统理大众, 一切无碍, 和南
圣众。

南无佛 南无法 南无僧 (合掌三称)

南无圣智海遍照庄严王如来 (合掌三称)

南无一切如来、应、正等觉 (合掌三称)

南无圣观自在菩萨摩诃萨 (合掌三称)

回向偈

(一遍)

诵经功德殊胜行 无边胜福皆回向
普愿沉溺诸有情 速往无量光佛刹
十方三世一切佛 一切菩萨摩诃萨
摩诃般若波罗蜜

回向偈

(一遍)

愿以此功德 普及于一切
我等与众生 皆共成佛道



此咒置经书中可灭误跨之罪

南无护法韦驮尊天菩萨

